

般若波羅密多心經

新疏  
白話淺說  
合編

般若波羅蜜多心經

新疏  
白話淺說

合編

心經 新疏 白話淺說 共一冊

謹爲出資及讀誦受持展轉流

通者回向偈曰

願以此功德 消除宿現業

增長諸福慧 圓成勝善根

所有刀兵劫 及與饑饉等

悉皆盡滅除 人各習禮讓

一切出資者 展轉流通者

現眷咸安樂 先亡獲超昇

風雨常調順 人民悉康寧

法界諸含識 同證無上道

民國二十一年臘月初版印一萬部

方德仁居士助洋一百圓

著述者 季聖一居士

上海開北新民路國慶路口  
世界佛教居士林

流通處

蘇州護龍街南段  
弘化社  
穿心街報國寺內

功德林佛經流通處  
上海貴州路一二五號

印刷者

上海新大沽路南成都路口  
國光印書局  
電話三三七四三號

# 弘化社流通書籍規約

世變日亟。人類之良知盡喪。法道垂秋。修治之正軌愈晦。匡扶挽救。端賴羣賢。宣揚正誼。其惟典籍。當代尊宿。印光大師。道高德邵。緇素欽崇。歷年印行書籍。不下二十餘種。流布於四方者。何止數十萬冊。讀其書而獲其益者。更何可以數量計哉。茲者大師德臘已高。謝絕諸緣。滅踪息影。臨行之日。乃命其侍者。將所存板籍。悉數歸公。貢諸于世。復由諸同仁。慕義樂助。認定年捐。特設專社。繼續流通。以竟大師未竟之弘願。惟是組織伊始。基本未充。故於流通規約。略示限度。未能盡量贈與。殊抱慊忱。俟將來因緣湊合。再圖推廣。諸希垂亮。至爲厚幸焉。

(一) 照本流通 本社印存各種書籍。如有備價來請者。一律照本讓與。凡經本社鑑定之書籍。如有發心附印者。本社當爲代勞。但附印書價。須請先惠。

(二) 半價流通 凡機關團體名義。半價購請者。得以半價組書籍。每種一部付與。若以個人名義。半價購請者。得於半價組書籍內。任選兩種。每種一部。如個人欲得二種以上。機關團體。欲得半價組以上者。均須照本繳價。

(三) 全贈流通 凡以機關團體名義索請者。得以全贈組書籍。每種一部贈與。若以個人名義索請者。得於全贈組書籍內。任選三種。每種一部。如個人欲得三種以上。機關團體欲得全贈組以上者。均須照本繳價。以上三項如須郵寄一律照加郵費。

(附則) 凡有志研究。而絀於資力者。本社當審察情形。方便贈與。以滿其願。

心經新疏流通敍

世無不知此經之爲妙也。言簡而理玄。宗幽而旨邃。自古及今。註釋者不下數十百家。無非見仁見智。各擅所長。而鈍根初學。終墮五里霧中。莫之適從者。何耶。誠以大般若經會八十一科。皆摩訶衍。梵語摩訶衍。華言大乘。卽吾人固有之心性也。心性離乎四句。絕於百非。橫徧十方。豎窮三際。非心所思。言辯莫及。豈楮墨可以盡述者哉。矧此經乃般若之精要。故稱之爲心。卽首楞嚴所謂本妙圓心。本妙圓心者。卽如來藏如實空義。如來藏如實空者。一空一切空。十界三諦。世間法出世間法。莫不皆空。亦卽是第一義空。乃觀世音菩薩修行甚深般若之親證境界。故曰照見五蘊皆空。度一切苦厄。以此妙境。印定妙心。歷世間法而不住世間。是以根塵識界。一一云無。無卽空也。更以此妙心。寂照妙境。歷出世間法而亦不住出世。是以十二因緣。四諦。以迄菩薩所修之三祇六度。亦無不云無。不住世間。生死空也。不住出世。涅槃亦空也。故知此經是稱性而說。直指之談。是無可是。非無可非。無非不非。無是非是。若

以筆舌形容。何能盡其萬一。又何怪乎列祖之各擅所長。而初機者卒應接不暇。難於領悟也。予竊聞之。入奧室者能探其幽。升危岑者始觀夫海。師山季聖一居士。仰先德之風徽。作後武之矩度。以半新半舊之文章。述能淺能深之疏解。縑素兼利。愚智齊收。吾知是疏一出。必有超然獨得於語言文字之外者。奚敢多贅其辭哉。時民國二十年辛未端陽後一日密藏老人諦閑敘於滬上玉佛寺之楞嚴主講室

### 心經新疏自序

心無真妄。而有迷悟之事。性無善惡。而有隱顯之功。迷則十界俱妄。而佛界未嘗不妄。悟則十界俱真。而九界未嘗不真。隱則闡提修善盡斷。而性善未嘗不具。顯則諸佛修惡盡斷。而性惡未嘗不具。是以般若雖妙。但祛執情。彼岸非遙。端在止觀。何也。自他依正。世出世法。唯心所現。皆屬因緣。其性有不定。有空不定。空有不一。名爲中道。迷者惑於意識。執妄爲真。卽迷此中道也。悟者了知妄熏真性。自生執著。亦悟此中道也。隱者本無所謂善惡。而動念則乖。卽隱此中道也。顯者善惡法爾如斯。而

不加造作。亦顯此中道也。誠能虛己平懷。回光自照。以一心三觀。觀一境三諦。將見煩惱生死。菩提涅槃。平等一如。異同悉泯。以無相之相。而相於無相之無相。以無言之言。而言於無言之無言。凡聖胥融。權實互入。一一無非。卽空卽假。卽中。乍出乍沒。如化日之光耀大陸。恍兮惚兮。若長風之卷舒太虛。昔之全真起妄。全善起惡者。今乃卽妄而真。卽惡而善矣。今之卽妄爲真。卽惡爲善者。終於無真無妄。無善無惡矣。大品云。般若如大火聚。四面不可觸。大論云。般若波羅蜜。四邊不可取。尙何迷悟隱顯之有哉。雖然。理可圓悟。行必漸修。如來乃娑婆教主。猶須雪山苦行六年。他如南嶽之九旬常坐。智者之一夏譚玄。以及二祖之安心斷臂。六祖之折腰負石。歷代佛祖。皆從堅苦卓絕中來。矧在末流。緇素貪瞋癡慢。充積識田。流注生滅。剎那不息。無論念佛參禪。持呪習教。苟非造次顛沛。身體力行。不獨無以度人。抑且不能自度。嗚呼。無常迅速。生死事大。般若雖人人同具。豈真有天生釋迦。自然彌勒耶。竊願覽斯疏者。反躬內省。精進堅持。從聞思修。入真俗中。以脫落根塵。早登覺岸。毋徒顛頂。儻

侗自貽伊戚也。三寶在上。其共勉旃。辛未春日師山聖一居士季新益自序於古吳安礙樓

凡例

- 一 此經乃八部般若之精華。與金剛經風行海內。傳誦殆徧。惟經文簡略。義理幽微。學者不易索解。茲將全部要旨。彙爲立義。並疏釋經文。又白話淺說。以資普及。互有詳略。或致舛誤。大善知識。幸教正之。
- 一 佛學之難入。首在名詞繁複。無有系統。今將有關此經之名詞。列爲圖表。閒附偈頌略說。以便探討。若欲博考。可檢三藏法數。教乘法數。及佛學大辭典。
- 一 此經始終以觀心爲宗旨。學者須處處以一心三觀。觀此一境三諦。並修助道。以期卽知卽行。不可泥於文字窠臼。得少爲足。方能漸次相應。自利利人。若欲詳究其理。可檢首楞嚴經。及摩訶止觀諸大部。



# 般若波羅蜜多心經新疏

諦閑老法師鑑定

皈依弟子季聖一居士纂述

般若乃六波羅蜜之一。厥義凡三。具乎吾人現前一念介爾之心。一曰實相般若。本自非有。亦復非無。非亦有亦無。亦非非有非無。離一切相。而徧作一切諸法之相。在三菩提謂之眞性菩提。在三涅槃謂之性淨涅槃。在三佛性謂之正因佛性。在三德謂之法身德。在三諦謂之第一義諦是也。二曰觀照般若。虛靈明徹。洞燭實相之理。如理而照。照不異寂。不在內外中間諸處。亦無過去現未往來形迹。於三菩提謂之實智菩提。於三涅槃謂之圓淨涅槃。於三佛性謂之了因佛性。於三德謂之般若德。於三諦謂之眞諦是也。三曰文字般若。又曰方便般若。自根身器界以至假實國土一切境界。同時炳現。平等印持。如理詮寂。寂詮卽照。並非限於楮墨語言。在三菩提謂之方便菩提。在三涅槃謂之方便淨涅槃。在三佛性謂之緣因佛性。在三德謂之解脫德。在三諦謂之俗諦是也。實相爲般若波羅蜜之體。亦卽觀照與文字般若之

體本無彼岸此岸之殊。但達此現前一念之實相。則生死卽涅槃。名波羅蜜。觀照爲實相。與文字般若之相。亦無彼岸此岸之別。但照此現前一念卽實相。卽文字。則煩惱卽菩提。名波羅蜜。文字爲實相。與觀照般若之用。亦無彼岸此岸之差。但顯此現前一念卽實相。卽觀照。則結業卽解脫。名波羅蜜。是故此心卽三般若。三般若卽是此心。一非一而舉。一卽三。三非三而言。三卽一。諸佛菩薩悟之證果。而不能增。凡夫外道迷之在因。而不能滅。真知灼見。而纖塵不染。忘思泯慮。而萬法俱彰。實而不有。虛而不無。無而不斷。有而不常。幽微廣大。不可思議。古德云。滔滔苦海中。般若爲舟航。冥冥長夜中。般若爲燈燭。洵不誣矣。世尊一代時教。三藏十二部。浩如大海。要以般若部爲導。迷遣執。指示心法之第一妙門。此經乃般若部六百餘卷之精華。雖寥寥二百六十字。而由淺及深。包羅一切。不獨初心具博。可以頓悟超凡。卽三賢十地諸聖。亦得進修上達。祇以詞簡義豐。不易領略。註解縱多。仍難詳盡。致使人人固有之般若波羅蜜。多心經坐失不信。或信而不解。或解而不行。重負法王大慈大悲之

# 七種立題表

苦口婆心。豈不惜哉。爰搜衆義。閒參臆見。務求顯豁。聊以持誦。敢質高明。將疏此經。先明立義。今遵台宗。例用五重。第一釋名。第二顯體。第三明宗。第四辨用。第五判教。第一釋名。佛祖經論之題名。雖有千差萬別。約之不外人法喻單複七種而已。列表如下。

人……如佛說阿彌陀經。維摩詰經等。

單三法……如涅槃經。圓覺經等。

喻……如梵網經。寶雲經。悲華經等。

人法……如文殊問般若經等。

複三法喻……如妙法蓮華經。金剛般若波羅蜜經等。

人喻……如如來師子吼經等。

具足一人法喻……如大方廣佛華嚴經等。

此經經題八字。七別一通。般若波羅蜜多心七字。異於他經。故名爲別。經字乃各經所同。故名爲通。七別中。今以單法爲題。先分釋。次總釋。分釋又三。初般若。二波羅蜜多。三心。初般若爲梵語。或稱班惹。或稱般刺若。此云智慧。謂照了諸法。皆不可得。而能通達一切無礙。以破愚癡也。所以譯音而不譯義者。以般若鄭重。而智慧輕薄。不易生善故也。諸佛菩薩修行大乘法門。般若均不可少。而於六度有次第相生。及彼此互攝二義。言次第相生者。如善戒經及解深密經。謂能捨家室身財。無所顧惜。卽能受持清淨禁戒。爲護戒故。遇辱須忍。忍已能發精進。進已能發靜慮。定已能獲出世智慧也。言彼此互攝者。如彌勒頌云。檀義攝於六。資生無畏法。是中一二三名爲修行住。此布施一度。攝於六度也。菩提資糧論云。旣爲菩薩母。亦爲諸佛母。般若波羅蜜。是覺初資糧。施戒忍進定。及此之五餘。方便願力智。皆由智度故。波羅蜜所攝。此般若一度。攝於餘五度也。若夫果報。則現在能破煩惱。得一切信敬供養。及涅槃之樂果。未來得諸根猛利。於天人大衆中。安樂自在。初分釋般若竟。

檀……布施

尸羅……持戒

羸提……忍辱

毗黎耶……精進

禪那……禪定

般若……智慧

慳貪

毀犯

嗔恚

懈怠

散亂

愚癡

六蔽

又華嚴經別加方便度願度智度

力度共成十度者。即由禪度中開

出願力二度。由般若中開出方智


二度。以般若度本位為一切智。開

出方便度為道種智。開出智度為

一切種智。所謂從六開四也。

### 六度

檀 尸羅 羸提 毗黎耶 禪那 般若



### 三智

一切智

一切智……了知十法界……破見思惑……二乘

道種智……能發諸佛法道……破塵沙惑……菩薩

一切種智……圓知一切道一切種……破無明惑……佛果

……

……

……

……

……

……

……

……

……

次釋波羅蜜多亦梵語。大論譯稱阿羅蜜。通稱波羅蜜。此云到彼岸。多係語尾辭。或將多字聯屬於心者。誤也。謂生死喻如此岸。涅槃如彼岸。煩惱如中流。般若等諸度如舟筏。吾人安心雜念。剎那生滅。長在生死中流。漂泊無定。無異船到江心。風波起

伏殊極險惡。一旦由妄歸真。方顯方寸之間。湛寂清淨。復於本性。別無神奇。猶人達彼岸。回頭四顧。雖有驚濤駭浪。安履康莊矣。或譯遠離。或譯事究竟。或譯度無極。於義亦通。茲不復贅。次分釋波羅蜜多竟。三釋心。心乃三界萬法之本。聖賢凡外之原。按梵語約言之。不外五種。一曰汗栗陀。此云草木心。但有生長而無知識。二曰紇利陀耶。此云肉團心。卽五臟之心。但有形質而無覺知。故二者均爲色法所攝。三曰質多耶。西域外道計之爲我。此云緣慮心。或云慮知。或云緣影。或云神。謂因緣外物。隨在能知。卽吾人現前見聞覺知。種種攀緣之妄心也。浮動遷流。隨塵逐境。因而起惑造業。斷送法身慧命。小則喪身敗國。大則悖理違天。四生六趣。歷劫靡已。人之墮落。世之騷亂。全由於此。四曰乾栗陀耶。此云真如心。或云第一義心。卽吾人固有之本性。至真無妄。隨緣不變。不隨緣者也。儒家謂之性理。明德良知。內典中異名頗多。梵網經以其發生衆善。名爲心地。金光明經以其真常不變。名爲如如。其玄義記以白淨不動。名爲菴摩羅識。又以佛所滿證。名爲佛識。金剛經以其無所從來。名爲如

來。涅槃經名爲常住佛性。楞嚴經以其湛寂不動。名爲常住真心。又名妙真如性。法華經以其卽邊爲中。無相無不相。名爲實相。又名法界。法住。法位。及佛知見等。圓覺經以其覺行圓滿。名爲圓覺。又以流出功德。名爲總持。華嚴經以其行布圓融。重重無盡。名爲一眞法界。占察經以其眞實無二。謂之一實境界。楞伽經及勝鬘經以其含藏一切善不善因。名爲如來藏。淨名經以其具足如來之種子。名如來種。又名法身。起信論以其不生不滅。名爲眞如。又以生滅與不生滅和合。名爲阿賴耶識。或阿梨耶識。宗鏡錄以阿賴耶識。不守自性。隨染淨緣。不合而合。能含藏一切眞俗境界。名爲藏識。此約和合而說。若不和合。卽體常不變。名爲眞如。其他實際。自性清淨心。以及禪宗之主人翁。正法眼。無底桶。沒絃琴。無爲國。牟尼珠等。不勝枚舉。且多諍論。天台妙玄云。今明無明之心。不自不他。不共不無。因四句。皆不可思議。此約自行。則不獨安心無存。卽真心亦不復存。又云。若有四悉檀因緣。亦可得說。此約化他。則眞妄俱存。何也。以阿賴耶中有生死種子。熏習增長。卽成分別妄識。若阿賴耶中有智

慧種子。聞熏習增長。轉依成智。卽成真如淨識。若異此兩識。但名阿賴耶識。譬如明鏡。雖不與影像合一。而影像自在。若不信阿賴耶卽如來藏。而欲別求真如。直與離鏡。覓像等耳。此說最爲融通圓妙。所謂般若是一法。佛說種種名者。是也。是以吾人現前一念介爾之心。若緣上品十惡爲慮。則爲地獄心。緣中品十惡爲慮。則爲餓鬼心。緣下品十惡爲慮。則爲畜生心。緣下品十善爲慮。則爲修羅心。緣中品十善兼修五戒爲慮。則爲人道心。緣上品十善兼修十二門禪爲慮。則爲天道心。緣生滅四諦析法歸空。斷除我執爲慮。則爲聲聞心。緣十二因緣體法卽空。斷除界內我法二執爲慮。則爲緣覺心。緣六度萬行。上求下化爲慮。則爲菩薩心。緣平等法界。圓滿妙明爲慮。則爲佛真如心。一念不覺。妄爲緣慮。遂有十法界之懸殊。若念念覺照。境智相冥。則無明卽成妙明。九界無非佛界。一轉移間。天淵迴絕。是非般若之洪鑪烈燄。詎能盡化無始之萬惡妄心。而還於本來面目。共覲神聖。不可侵犯之佛陀耶。五曰矣。栗馱。此云積聚精要心。謂此經乃積聚六百餘卷大般若經之精華而成。此說亦極



圓足。蓋佛經大都以心法為主。設定執此經。專為心法而說。勢必他經皆說佛法或衆生法而後可。決無此理。故唐之法藏大師。明之紫柏老人。皆以心為喻。言此經即般若大部主要之妙義。猶如心為一身之主宰也。如是則般若波羅蜜多六字。是所詮之法。心之一字。是所引之喻。此經乃法喻立題矣。初分釋竟。

# 十惡表

- 一殺生
- 二偷盜
- 三邪淫
- 四妄語
- 五綺語
- 六兩舌
- 七惡口
- 八貪欲
- 九瞋恚
- 十愚癡

身業

口業

意業

上品	惡	善	約境	如於尊長起殺心等	約心	猛利心	約時	三時無悔	地獄
中品	惡	善	約境	如於六畜起殺心	約心	不猛不泛	約時	造已方悔	畜生
下品	惡	善	約境	見諸殺境即能救護	約心	泛爾心	約時	造已有退	人
	善	惡	約境	見親友等救護	約心	泛爾心	約時	正造即退	修羅

此十惡表。但于殺生一條而標分三品者。乃舉一例餘。後九條均可類推而知。如一一詳列。則太費筆墨。又另有十善表。而善之三品亦列于此者。一為省事。二則善惡同在一處比較。令閱者尤易領略。更為清晰。不然。須善歸善。惡歸惡。而分列。殊為費事。故統于此耳。